

何水部集

具清堂校刊

黃長睿稱春明宋氏有水部舊本八卷特完因借傳之
晉天福本但有詩三卷今世傳本是也予考宋氏本近
不復存茲本爲錢唐洪清遠氏所刊或卽天福本顧流
布亦鮮新城王先生謂梁代右文作者尤衆繩以風雅
略其名位則江淹何遜足稱兩雄洵爲定論爰卽家所
鈔藏水部洪本錄諸梓人至文通全集俟續摻訪隨付
開雕以稱合璧焉

乾隆甲戌四月硯農江昉書于廣陵舊時月色軒

本傳

節錄南史

何遜字仲言東海郟人也曾祖承天宋御史中丞博見古今爲一時所重刪減禮論三百卷并前傳雜語所纂文及文集並傳於世又改定元嘉曆改刻漏用二十五箭遜八歲能賦詩弱冠州舉秀才南鄉范雲見其對策大相稱賞因結忘年交謂所親曰頃觀文人質則過懦麗則傷俗其能含清濁中今古見之何生矣沈約嘗謂遜曰吾每讀卿詩一日三復猶不能已其爲名流所稱如此梁天監中兼尚書水部郎南平王引爲賓客掌記

何水部集
室後薦之武帝與吳均俱進倖後稍失意帝曰吳均不
均何遜不遜未若吾有朱异信則異矣自是疎隔希復
得見卒於仁威廬陵王記室初遜爲南平王所知深被
恩禮及聞遜卒命迎其柩而殯藏焉并餼其妻子東海
王僧孺集其文爲八卷初遜文章與劉孝綽並見重時
謂之何劉梁元帝著論語之二云詩多而能者沈約少而
能者謝朓何遜遜從叔憺字彥夷亦以才著聞宦遊不
達作拍張賦以喻意末云東方曼倩發奮於侏儒遂與
火頭食子廩賜不殊位至臺郎時有會稽虞騫工爲五

言名與遜埒官至王國侍郎後又有會稽孔翁歸濟陽
江避並爲南平王大司馬府記室翁歸工爲詩避博學
有思理註論語孝經二人並有文集

原跋

隋經籍志唐藝文志遜集爲八卷晉天福本但有詩三卷今世傳本是也獨春明宋氏有舊本八卷特完因借傳之然少陵常引昏鴉接翅歸金粟裹騷頭等語而此集無有猶當有軼者集中若團團月隱洲輕燕逐風花斷岸平沙合連山遠霧浮岸花臨水發江燕遶檣飛游魚上急瀨薄雲巖際宿等語子美皆采爲己句但小異耳故曰能詩何水曹信非虛賞古人論詩但愛遜露溼寒塘草月映清淮流及夜雨滴空階曉燈暗離室爲佳

殊不知遜秀句若此者殊多如九日侍宴云疎樹翻高
葉寒流聚細文日斜迢遞宇風起嗟峨雲答高博士云
幽蝶弄晚花清池映疎竹還度五洲云蕭散烟霞晚淒
清江漢秋答庾郎云蛺蝶縈空戲日暮望江云水影漾
長橋贈崔錄事云河流遶岸清川平看鳥遠送行云江
暗雨欲來浪白風初起庾子山輩有所不逮如早梅云
枝橫卻月觀花遶凌風臺銅雀妓云曲中相顧起日暮
松栢聲句殊雄古而顏黃門謂其每病辛苦饒貧寒氣
無乃太貶乎陰鏗風格流麗與孝穆子山相長雄乃沈

宋近體之椎輪也武陽黃伯思長睿跋

詩自文選以後至唐初其間作者陰何為巨擘今觀
其詞致婉約清深有足味者後來藻續之流發揚滋
甚而古意益薄少陵時道二子不厭有以夫近世學詩
者乃槩謂不足觀往世六罕留本久遠豈遂埋廢耶
因刻置郡以壽其傳端平丙申下元日古汴趙興懋德
懋識

庚申除夕據蔣氏如古精舍寫本校請補趙跋一則
劉高詩各一首改正若干字原本九行十六字之是
從記經堂本傳錄者當即源出端平趙刻也

江安傅增湘記於藏園詩餘精舍

藏園



何水部集卷之三

文

窮鳥賦

橙里江 昉硯農校刊

嗟窮鳥之小鳥意局促而馴擾聲遇物而知哀翮排空
而不矯望絕侶於夕霞聽翔羣於月曉既滅志於雲霄
遂甘心於園沼時復搶掄決至觸案窮歸若中氣而自
墮似驚絃之不飛竄雞埒而共宿啄雁稗以爭肥異海
鷗之去就無青鳥之是非豈能瑞周德而丹羽惑燕悲

此下為卷之三

而素暉雖有知於理會終未悟於心機

為衡山與婦書

昔人遊遨洛汭會遇陽臺神仙彷彿有如別離帳前微笑涉想猶存而幄裏餘香從風且歇掩屏為疾引領成勞鏡想分鸞琴悲別鶴心如膏火獨夜自燒思等流波終朝不息始知萋萋諛草忘憂之言不實團團輕扇合歡之用為虛路邇人遐音塵寂絕一日三秋不足為喻聊陳往翰寧寫款懷遲枉瓊瑤慰其杼柚

七召八首

國氏先生負茲勁挺狀羣飛之喪侶似獨行之捷徑神忽忽而若忘意衝衝而不定監丹綠其無主聞鍾鼓以失聽至乃冬霰積庭室靡人聲春花滿野地無行者園堵常閉曲突無烟同生芻之有束共死灰之曠然篤論公子聞而屈起雖道術之可忘亦切磋之所恥命徒御以駱驛將有事乎巖中車焞爚而流水馬泮渙以追風乃踰汗漫入黯隴至深潭之纓溟有洞室之穹崇居隱磷而出沒望嶽岑而下上竹距石以表通水韻松而合響地不寒而蕭瑟月無雲而曠朗於是整容投刺屣履

排門揚眉就席舉袂而言曰若五秀稟其生靈六情通其愛惡憎共集於鄙老嗜同歸於美樂今足下羣鳥獸以爲娛處貧賤而不忤欲實實於孤介乃貽譏於瑣穫至乃啗啗死於道邊貿貿填於溝壑削松筆以畫虎鼓鉛刀而刻鶴身旣勞而不劾事何感而莫懲欲模名而帶索豈知命於泥繩何異走長衢而避影煎流水以求冰今欲導足下以衛生之秘術怡神之妙道譬愈我於沉痾若起尸於仙草寧願聞乎先生曰有爲之生已道無益之慮常勞若見明於凝漚幸求教於針膏

宮室

公子曰千門始構百洞常啓激格開渠疏山抗址延表水陸廣望東西下臨江海上屬雲霓百丈杳冥以飛跨九層鬱律以階梯步三休而未半塗中宿而方迷雕牆曲屈以交牙網戶周流以重積旣陰岑而影響永以闕夫噓噴沙版金鋪紫柱玉鳥煒煌瑰瑋礧礧絡繹圖雲霧之蔽虧壯袖仙之來往璧璫自耀珠綴嘗響蜉蝣動而晝暄熠燿飛而夜朗旣臨下以濔沔亦憑高而泱漭聞疾雷於階榭弄奔星於帷幌亘以曲堂周以洞房北

負連闥南注長廊綺疏爽映漏檻相望燕飛蓮井日照
杏梁陽烏蹇其將動雲鳳矯而欲翔若乃凌沼開源延
石崇壤疑崑閭之鬱弗侔滄溟之瀆沈其中別有桂宮
柏寢吳臺柘館複道耿介而連雲阿落穹窿而仰漢望
蚪欄之映水見丹鶴之出岸艷草妖色嘉樹珍名長生
靈壽男華女貞河柳垂葉山榴發英翫竒花之春滿摘
甘實於夏成此實宮苑之壯麗豈能從我而爲榮先生
曰多言返道辨口傷實懼貽傲於蔀家且自求乎容鄙

餽饌

公子曰銅餅玉井金釜桂薪六彝九鼎百果十珍熊蹯
虎掌雞跖猩唇潛魚兩味立犀五肉拾卵鳳巢剖胎豹
腹三變甘口七菹愜目蒸餅十字湯官五熟海椒魯豉
河鹽蜀薑劑水火而和調糅蘇菽以芬芳脯追復而不
盡犢稍割而無傷菴美流歡蜒醬先嘗膾温湖之美鮒
切丙穴之嘉魴落俎霞散逐刃雪揚輕同曳蠶白似飛
霜蔗有盈丈之名桃表兼斤之實杏積魏國之貢菱爲
巨野所出衡曲黃梨汶垂蒼粟龔西白柰巫南朱橘荔
枝沙棠蒲萄石蜜瓜稱素腕之美棗有細腰之質並抗

吻以除煩永咀牙而消疾於是三雅陳席百味開印玉
蟣星稀蘭英縹潤既夷志於坎壈亦忘懷於鄙吝此蓋
滋旨之極珍豈從餘而並進先生曰不貴媮食豈甘醇
酒旣深悟於腐腸豈自迷於爽口

聲色

公子曰秦氏獨立燕姬絕世如短如長不穠不細信耳
目之珍冶乃古今之佳麗妍姿艷逸淑性閒華效施朱
於宋里結墮馬於梁家相纖腰以微步呈皓腕於輕紗
臨池正領拂鏡看花觀堵牆以颯沓傾國城以誼譁墨

欲歸而抽軫惠將返而迴車至乃鄭衛繁聲抑揚絕調
定使風雲變動性靈感召擊哀響則春臺之人愴然而
雪泣起懽情則崩城之婦粲然而微笑嶰谷調鳳之管
龍門獨鵠之柯綠珠絳樹宋臈韓娥青春婉婉上客經
過開洞房以命賞召才人而合宴舉輕幔以徐來隔珠
簾而可見牀披象篔戶垂羅薦聽促柱之方遒聞度聲
之始嘯卻化象以頓足腕臚連而拂面託邪視於遺簪
寄含心而舉扇俄而夕鶯來返落日西懸綺霞映水蛾
月生天解鴛鴦之繡被拂蛭蛇之長氈燭中帷而動爛

香出帳而微烟願橫衾以自昵脫斜領於君前此乃聲
色之妖蕩將不從我之流連先生曰淫聲非篤論之旨
麗色乃餘情所棄伐國不問仁人此言何從而至

佃遊

公子曰歲晚農收時閒務隙山火已燎野霜初白聊效
殺於秋冬將從禽於草澤蜀地五丁齊都二子氣動山
漂汗揮雨起渥注流頰護蘭泄血躡飛影於未形奔流
星於欲滅革車隱隱鼓騎闐闐鼓噪喧而振地烝徒駭
而聒天割肉之刀飲石之箭罽羅布其一目罟網周其

三面犬號驤螭鷹名奔電暫離已合忽隱仍見赴迴趨
危衝林跋險草隨足起山從眼轉跨躡谿澗電舉陵陸
鳥不及飛獸不遑伏旣前躡而後倚亦左排而右蹴距
實駭而自救騰靈亂而相撲視灑血之丹地見飛毛之
暗目傍窮劫欻勢極搜求文皮坐裂眊尾生抽手羈鐵
項足批銅頭象折齒而陵遽貊拉幽而夷猶擒高樓之
度索走大樹之神牛鴈聞絃而跼墮猿抱木而啾啾笑
楚王之雲夢恥漢帝之中流此武才之趨猛豈能從我
而佃遊先生曰馳騁傷仁好殺非勇幸內教之豐樂何

禽荒之足重

神仙

公子曰瞻烏始照宮槐遽而欲舒顧兔裁滿庭桂紛而就落譬光景於飛浮比生靈於棲托擾擾摩肩鱗鱗方駕空休迫於毀譽獨殷勤於用舍嗟向有而今無歎後來而前謝清歌雅舞暫同於夢寢廣廈高堂俄成於幻化若夫洗精服食慕道游仙尋玉塵於萬里守金龜於千年三尸可度九轉能傳飛騰水陸咀嚼靈玄若乃壁上真詞枕中秘要彈射思神吐納靈妙既變醜以成妍

亦反老而爲少蛇駕夭矯而出沒霓裳颯沓而容與按鶴馭於後乘追鳳簫於前侶雨散漂以沾服雲霏微而襲予瞰芝闕以杳冥見玉臺之相拒蓋排烟而漸滅旌拖風而未舉值解珮於江濱逢弄珠於湘渚薄遊玄圃弭節秦華列神童於羽帳倚玉女於仙車澗采兮危實枝扳兮迴花聽弱水之神浪望崑山之夕霞窮北辰而比壽指中嶽以爲家此神仙之恍惚豈從我而蠲邪先生曰捕影之言莫測繫風之論難盡未嘗留意於死生豈復稍論於春菌

儒學

公子曰洙泗遺文鄒魯餘烈其道未迷其風不絕方領
園冠金口木舌談章句之遠旨構紛綸之輕說陳五禮
明六詩貫穿微妙辨析毫釐旣待問於重席亦覃思於
下帷醞藉豈弟和樂緝熙生徒肅肅賓友師師並接跡
以聞道俱援手而授辭心絕內戰事無外欲橫經者比
肩擁篲者繼足醜申韓之法令陋桓文之風俗六穉湊
其衣冠五陵窮其軌躅信斯文其若水實斯人之如玉
若夫璣珠產於蚌蛤珪璧出於山淵未有玉不瑩而爲

寶人不學而稱賢蓋持身之筦籥進德之舟船響如鍾
而聽扣明似鏡以長懸此見重於經術寧降志於吾賢
先生曰誠此言之甚美此道之爲曠耻見嘲於腐儒豈
求珍於席上

治化

公子曰我大梁之啓基方邃古而無匹則先天定始比
殷周而餘裕揖讓受終考唐虞而不失道德有序憲章
咸秩六府孔修百司盡畢披求儒雅捃拾遺逸具食思
治雖聞之於昔談昧旦臨朝乃見之乎茲日蕩蕩薰風

泱泱大典道含洪而廣被澤汪濊而旁闡採輿人之片
言納匹夫之小善事在微而必照物無幽而不顯若夫
下車布德伐罪弔民風無偃稼雨不破塵覩勝殘於期
月見成俗於浹辰含羣生兮若海養萬類兮猶春鄉無
豕食之隸野靡狼顧之民樵者目金以知耻耕者讓畔
以成仁和大庭之足競豈粟陸之能鄰壁水道庠序之
風石渠啓瑤璋之盛竒士輻輳而騁足異人間出而效
命小大之獄無冤民翻飛之物無天性故能睦之以九
世齊之以七政坦坦恢恢巍巍赫赫政德被於霜風教

義窮於足跡望雲氣而欵開候海水而重譯所謂府不
輟貢吏無虛帛天瑞磊砢而相尋地符氛氳而不少收
六穗於征賦玩九莖於池沼三足應感而來儀一角知
時而自擾映景星於初冀聆鳳音於將曉若乃亭毒塊
坳合天地而並施陶鈞日月與造化而齊功故非言辭
可具筆札之所能窮懷真獨往之夫奔走而從事滅跡
藏名之士顛倒而向風二漢有同於兒戲魏晉無礙於
胸中言未畢先生攝衣而起曰子前所說似玉卮之無
當徒費詞而難領譬猶背日而視秋毫卻行而求鄢郢

一聞皇王之盛豁然神悟而理摠志無時而可卷邦有道而宜舒敢以淺智請從後車

與建安王謝秀才牋

州民泥塗何遜死罪卽日被板以民充年秀才民謝聲
□□□非關右戶旦□□□名誰錄覩物託興乏澹雅
之才□□□文豈飄然之作伏惟大王殿下令聞令望
邁楚逾河好德好士雲歸海赴若夫選重雄州望隆觀
國必使聲高後進德繼前修民學異扣鍾辨慚炙輶將
以允應貢選待問金門上第甲科旣慚髣髴管窺錐畫

彌畏友朋恩榮忽賁固請無涯便當妄忝魯服濫同齊
吹戰荷屏營忻惶共色不任下情謹奉牋以聞

爲孔導辭建安王牋

士實泥塗美非竹箭昔逢際會忝申名質悠悠漢水獨
驚輕舟雖慕義而歸而暗於多懼遂禮頻上席愛比後
車感此隆遇久知輕死軒蓋出內歷念陪遊府朝升進
隨事多幸賜餘論於顏色奉德音於宴和藉此增榮遂
延繆價今便除名復足在寬身非木石戀同犬馬雖朝
夕曳裾無違接待而職務一離有同賓客瞻階下拜屑

涕無從永言僚故載懷罔已頡頏之禽慚悲於出幕蒙
茸之獸結志於首丘

何水部集

卷之二

三

何水部集

何水部集

何水部集

卷之二

三

何水部集

何水部集

詩

九日侍宴樂游苑

為西封侯作

至德無餘讓重

五衣封北屋卷領慎為君翺

飛悅有道卉木荷正分宸襟動時豫歲序屬涼氛城霞
旦晃朗槐靄曉網緝鸞輿和六轡鳳駕啓千羣羽觴
湛露佾舞奏承雲禁林終宴晚華池物色曛疎樹翻高
葉寒流聚細紋晴軒連瑞氣同惹御香芬日斜迢遞宇

風起嵯峨雲運偶參侯服恩洽厠朝文於焉藉多幸歲
莫仰遊汾

行經孫氏陵

昔在零陵厭神器若無依逐兔爭先捷倚鹿兢因機呼
喻開伯道叱咤變分奇略虎視肅戎威長蛇

劬巴漢驥馬絕淮淝交戟無內禦重門豈外扉成功舉
已棄凶德愾而違水龍忽東驚青蓋乃西歸竭來已永
久年代曖微微苔石疑文字荆墳失是非山鶯空曙響
隴月自秋暉銀海終無浪金鳧會不飛閔歎今如此望

望沾人衣

登石頭城

關城乃形勢地險差非一馬嶺逐紆回犬牙傍隆宰百
雉極襟帶億萬兼量出至理歸無爲善守竟何恤眺聽
窮耳目遠

行人暉暉視落日連檣入

迴浦飛蓋交長術天暮遠山青潮去遙沙出薄宦恣師
表屬辭慙愈疾願乘鰲鯨牛還隱蒙籠室

哭吳興柳惲

南荆擅杞梓上國稱羽儀伊人以戴德李公傷在期遠

識內無愠深衷外有窺清文窮麗則弘論盡高竒多能
誠所貴小善聊復爲百步均射葉八體妙臨池曲悟全
神解龜謀信有知入朝耿長劔出牧盛層麾納言信加
首豐貂亦在移霄區兩借寇貪泉一舉卮翰飛矯未極
朝露溢先

木臥崩坻樽 誰爲滿靈衣空自披卷言尋惠好慟哭
悲路岐含毫徒有屬搦管竟無摘

贈族人秣陵兄弟

吾宗昔多士文雅高縉紳小子無學術丁字困負薪傍

枝實紛亂領袖寄親姻名價齊兩許閨門比三陳風力
咸通邁藝業並紛綸元方振高羽洛令初解巾自爾典
名郡所在號清淳齊兒敢爲俗蜀物豈隨身祿奉不妻
子謳吟乃吏 孰云穢明德准在中聖人若能遺酌我
稱首屬當

景猶賤貧方成天下士豈

伊席上珍外情或簡易內鑒甚人倫時然臨下邑摘伏
信如神顧余晚脫略懷抱日湮淪游宦疲年事往來厭
江濱十載猶先職一官乃任真土牛竟不進芻狗空重
陳羈旅無儔匹形影自相親蕭索高秋暮砧杵鳴四鄰

霏霏入窗雨漠漠暗牀塵所思不可見邈若胡與秦願
子加餐飯良會在何辰

贈江長史別

二紀歷茲辰投分敦遊處况事兼年德宴交無爾汝中
歲多乖違

和藩於伊子客梁楚出國

乃參差會歸處所以茲篤惠好可月忘羈旅重得申
平生何年更睽阻寵禽恨跼促逸翮超容與餞道出郊
垌把袂臨洲渚長飈落江樹秋月照沙漉遠送子應歸
棹開帆欲舉離舟謹未極別至悲無語安行生羽毛從

君入宛許

落日前墟望贈范廣州雲

緣溝綠草蔓扶援雜華舒輕烟澹柳色重霞映日餘遙
遙長路遠宥行人疎我心懷頌德思欲命輕車高門
盛遊侶誰

附 答何秀才

范雲

少年射策罷擢第雲臺中已輕淄水耄復笑廣川翁
麟閣佇鸞校虎觀遲才通方見雕篆合誰與畋漁同
待爾金閨北予藝青門東

胡興安夜別

居人行轉軾客子暫維舟念此一筵笑分爲兩地愁露
溼寒塘草月映清淮流方抱新離恨獨守故園秋

行經范僕射故宅

旅葵應鳥

秋空郊莫無復車馬歸歛

灑故池水蒼

落日暉遺愛終何極行路獨沾衣

入東經諸暨縣下剡江作

疲身不自量溫腹無恒擬未能守封植何能固廉耻一
經可人言三冬徒戲爾虛信蒼蒼色未究冥冥理得彼

既宜然失之良有以常言厭四壁自覺輕千里日夕聊
望遠山川空信美歸飛天際沒雲霧江傍起安邑乏主
人臨叩多客子鄉鄉自風俗處處皆城市所見無故人
含意終何口

日夕

公

客心愁日莫徙倚空望歸山烟涵樹色江水映霞暉獨
鶴凌空逝雙鳧出浪飛故鄉千餘里茲夕寒無衣

塘邊見古塚

行塘一墳孤路成墳欲毀空疑年代積不知陵谷徙幾

逢秋葉黃驟見春流瀾金蠶不可織玉樹何時蕊陌上
驅馳人笑歌自侈靡今日非明日所念誰憐此

下方山

寒烏樹間響落星川際浮繁霜白曉岸苦霧黑晨流鱗

鱗逆去水

事行復立瞻途近更修
一本作誰

能百里地縈
繞千端愁

秋夕仰贈從兄寘南

階蕙漸翻葉池蓮稍罷花高樹北風響空庭秋月華寸
心懷是夜寂寂漏方賒撫絃之歡娛臨觴獨歎嗟悽愴

戶涼入徘徊欄影斜無為淹戚里見就還山家

附答何秀才

寘南

自憐耿不寐擁褐至宵闌蒼茫曙月落切戾曉風酸
終朝長守饑疊夜抱餘寒周道坦既直弱命溢將殫
靈臺聊尚止成里豈無歡思家無積歛何以拯急難

酬范記室雲

林密戶稍陰草滋階欲暗風光蕊上輕日色花中亂相
思不獨懽佇立空為歎清談莫共理繁文徒可玩高唱
子自輕繼音予所憚

附 貽何秀才

范 雲

桂葉竟穿阿蒲心爭出波有鷺驚蘋芰綿蠻弄藤蘿
臨花空相望對酒不能歌聞君饒綺思摘挾足為多
布鼓誠自鄙何事絕經過

仰贈從兄明望守

家世傳儒雅貞白仰餘徽宗派已孤狹財產又貧微栖
息同蝸舍出入共荆扉松筆時臨沼蒲簡得垂帷幸逢
四海泰日月耀增輝相顧無羽翮何由總奮飛一朝異
言宴萬里總睽違遠江飄素沫高山鬱翠微相思對森

森相望隔巍巍死灰終不然長岑且未歸
嗚呼此分袂
脉脉淚沾衣

見征人分別

淒淒薄暮時親賓俱佇立征人拔劍起兒女牽衣泣候
騎出蕭關追兵赴馬邑
王官黃行去誰論裏屍入

劉博士江丞未從事同顧不值作詩云爾

故人篤久要新知從暮室崎嶇枉道過邂逅幽人出心
期不會面懷之成首疾向夕敞山扉臨窗玩餘帙蜘蛛
正網戶落花紛入膝侵淫水上風蔽虧霞中日良辰一

携手住坐無儔匹劉侯務屬書江生勤下筆朱君博辭
理去去追名實是顧一參差何能更蓬華吾人少拘礙
得性便遊逸方欲俟褰裳相從謹道術

贈王左丞僧孺

欄外鶯啼罷園裏日光余游魚亂水葉輕燕逐風花長
墟上寒靄曉樹沒歸霞九華暮已隱抱鬱徒交加

七夕

仙車駐七襄鳳駕出天潢月映九微火風吹百和香來
謹暫巧笑還淚已沾玉臺作啼妝依稀如玉臺作猶洽泃倏忽似

高唐別離未玉臺作不得語玉臺作見河漢漸湯湯

與蘇九德別

宿昔夢顏色咫尺思言宴何況杳來期各在天一面脚
踏暫舉酒倏忽不相見春草似青袍秋月如團扇三五
出重雲當知我憶君萋萋若被逕懷抱不相聞

答高博士

北牕涼夏首幽居多卉木飛蝶弄晚花清池映踈竹為
宴得快性安閒聊鼓腹將子厭囂塵就予閒一本作開耳日

學古贈邱永嘉征還

萬石... 寄止... 卧聞... 屏... 不在... 此首...

龍馬魚腸劍躩蹠起風塵結客蔥河返喧喧動四鄰入
墟猶憶舊得巷復疑新窺見應門出遙識下機人相悲
淚欲下離別方自陳

送韋司馬別

送別臨曲渚征人暮前侶離言雖欲繁離思終無緒憫
憫分手畢蕭蕭行帆舉舉舉一本作帆越中流望別上高樓
予起南枝怨子結北風愁邈邈山蔽日洶洶浪隱舟隱
舟邈已遠徘徊落日晚歸衢並駕奔別館空筵卷想子
斂眉去知予銜淚返銜淚心依依薄暮行人稀曖曖入

塘港蓬門已掩扉簾中看月影竹裏見螢飛飛飛不
息獨愁空轉側北窓倒長簟南鄰聞夜織棄置勿復陳
重陳長歎息

學古三首

長安美少年羽騎暮連翩玉羈瑪瑙勒金絡珊瑚鞭陣
雲橫塞起赤日下城圓追兵待都護烽火望祁連虎落
夜方寢魚麗曉復前平生不可念空信蒼浪天

鞏洛上東門薄慕川流側渾渾車馬道行人不相識日
夕棲鳥遠浮雲起新色寸心空延佇對面何由卽飛輪

倘易去易去因風力

昔隨張博望辭帝長楊宮獨好西山勇思爲北地雄十年事河外雪鬢別關中季月邊秋重巖野散寒蓬日隱龍城霧塵起玉關風全狐君已復半菽我猶空欲因上林雁一見平陵桐

王尚書瞻祖曰

昱昱丹旄振亭亭素蓋立金鐸謹已鳴龍輶將復入華臺日未徙荒墳路行濕已矣將何如賓馭皆洒泣

詠舞妓

管清羅薦合絃歌

一本作驚

雪袖遲逐唱回纖手聽曲動蛾

眉凝情盼墮珥微睇託含辭日暮留嘉客相看愛此時從主移西州寓直齋內霖雨不晴懷郡中遊聚

寓直慚虎賁沉迷豈職事祈祈寒枝動濛濛秋雨駛不見眼中人空想山南寺雙桐傍欄上長楊夾門植夙昔構良遊接膝同懽志東西忽爲阻向隅懷獨思颯颯履聲喧擾擾郡分異臥聞復雷響坐視重局祕欲寄一行書可解三秋意

苦熱

昔聞草木焦今窺沙邱一本爛墮墮風逾靜墮墮日漸

肝習靜闕衣巾讀書煩几案臥思清露浥坐待高星燦

蝙蝠戶中飛蠛蠓窗間亂實無河朔飲空有臨淄汗遺

金不自拾惡木寧無榦願以三伏晨催促九秋換

西州直示同員

日長禁戶倦卽事思短晨漏盡唱聲急此理復傷人矛
盾交爲論光璧帶成珍誓將收飲啄得得心神

擬輕薄篇

城東美少年重身輕萬億拓彈隋珠丸白馬黃金飾長

安九遠上青槐蔭道植轂擊晨已喧肩排暝一本不息

走狗通西望牽牛亘南直相期百戲傍去來三市側象

牀沓繡被玉盤傳綺食倡女一本作大婦掩歌扇小婦開簾

織相看獨隱笑見人還斂色黃鵠悲故羣山川詠新識

鳥飛過客盡雀聚行龍匿酌羽方厭厭此時懽未極

百一體

靈轍困桑下於陵拾李螬歷齒方嗟賤炙背豈知豪傭

畊乏旅力倚市歎劬勞曠日無豆飴方冬缺緼袍清旦

開蓬葦舉目想煎熬樞機慎僕隸媒藥畏朋曹萬途皆

自僻一事豈他褒
恩恩昨不定負杖出蓬蒿
逢施同溝壑
值設乃糠糟
生途稍冉冉
逝水日滔滔
咸言等木石
誰當出羽毛

看伏郎新婚

玉臺作
看新婦

霧夕蓮出水
霞朝日照梁
何如花燭夜
輕扇掩紅妝
良人復灼灼
席上自生光
所憐一本作悲
高駕動環珮
出長廊

野夕答孫郎擢

山中氣色滿墟上
生烟露杳杳
星出雲啾啾
雀隱樹虛館
無賓客幽居之
謹趣思君意不窮
長如流水注

附贈何郎

孫擢

幽居少怡樂
坐靜對嘉林
晚花猶結子
新竹未成陰
夫君阻清切
可望不可尋
處處多謾草
賴此慰人心
下直出谿邊
望答虞丹徒敬

夫君美章句
席丈珍梁楚
伊余忝攝官
含毫亦禁阻
直廬去咫尺
心期得宴語
休沐乃幽棲
別離未幾許
佇立日將暮
相思忽無緒
谿北映初星
橋南望行炬
九重不可越
三爵何由舉

和司馬博士詠雪

凝階夜似月拂樹曉疑春蕭散忽如盡徘徊已復新暫
蔽卷紈質復慙施粉人若逐微風起誰言非玉塵

石頭答庾郎丹

高樹蔭樓密細草綠成被黃鸝隱葉飛蛺蝶縈空戲陰
岑白爾悅寂寥予罕寄相如阻禁闈何由從簡易

咏娼婦家

曖曖高樓暮華燭帳前明羅帷雀釵影寶瑟鳳雛聲庭
一本花枝上發新日霧中注誰念當窗牖相望獨盈盈
作夜

登禪岡寺望和虞記室

南望南郭門拱樹稍雲密北窗北湊道重樓霧中出接
樹隱高蟬交枝承落日光陰不可捨懷抱何由悉

車中見新林分別甚盛

金谷賓游盛青門冠蓋多隔林望行憶下阪聽鳴珂於
時春未歇麥氣始清和送入平原逕窮巷可張羅

同虞記室諸人咏扇

如珪信非點學月但為輪機杼靡蕪妾裁縫篋笥人搖
風入素手占曲掩朱唇羅袖幸拂拭微芳聊可因

同虞記室登樓望遠歸

登樓欲望遠遙遙見白衣白衣猶遠遠言是稍知非對
窓看寶瑟八戶弄鳴機無令日光晚門閣掩重扉

臨行與故遊夜別

歷稔共追隨一旦辭羣匹復如東注水未有西歸日夜
雨滴空階曉燈暗離室相悲各罷酒何時同一本作更促膝

照鏡

珠簾旦初卷綺機晨一本作朝未織玉匣開鑑影寶臺靜一本

淨臨飾對影獨含笑看花時轉一本作空側聊為半一本作出顰

眉試染天桃色寶一本作羽釵若一本作如可開金鈿長相逼蕩

子行未歸啼妝坐沾臆

初發新林

伊昔負薪暇慕義遊梁楚短翮忘連翩追飛美一本作散容

與優游沐道教漸漬淹寒暑大德本無酬輕生竊自許

舟歸屬海運風積如鵬舉浮水暗舟艫合岸喧徒侶凜

凜窮秋暮初寒入洲渚鏡吹響清江懸旗出長嶼危檣

迴不進沓浪高難拒回首泣親賓中天望宛許帝城猶

隱約家園無處所去矣方悠悠含意將何語

夜夢故人

客心驚夜魂言與故人全開簾覺水動映竹見牀空浦
口望斜月洲外聞長風九秋時未晚千里路難窮已如
臃腫木復似飄飄蓬相思不可寄直在寸心中

別沈助教

可憐玉匣劍復此飛鳧舄未覺愛生憎忽見雙成隻一
朝別嘆語萬事成疇昔道險一本作適若波瀾人生異金石
願君深自愛共念悲無益

附答何郎

沈繇

懽懽遞來事聚散居常理但傷膠投漆忍作弦離矢

形影一東西山川俄表裏執手涉梁上悲心萬端起
方全兒女泣況此流潮水

渡連圻

此山多靈異峻阻實非恒洑流自洄糾激瀨視奔騰懸
崖抱奇窟絕壁駕峻嶒磳礧上爭險岵嶇下相崩百年
積死樹千尺掛寒藤詭怪終不測迴沈意難登願欲書
聞見聊以寄親朋

宿南州浦

幽棲多暇豫從役知辛苦解纜及朝風落帆依暝浦違

鄉已信次江月初三五沉沉夜看流淵淵朝聽鼓霜洲
渡旅雁朔颺吹宿莽夜淚坐淫淫是客偏懷土

望新月示同羈

初宿長淮上破鏡出雲明今夕千餘里雙蛾映水生的
的與沙靜濼濼逐波輕望鄉皆下淚非我獨傷情

望廨前水竹答崔錄事

蕭蕭藜竹映澹澹平湖淨葉倒漣漪文水漾檀欒影相
思不會面相望空延頸遠天去浮雲長墟斜落景幽痾
與歲積賞心隨事屏鄉念一遭廻白髮生俄頃

與沈助教同宿湓口夜別

我爲潯陽客戒旦乃西游君隨春水駛雞鳴亦動舟共
泛溢之浦旅泊次城樓華燭已消半更人數唱等行人
從此別去去不淹留

入西塞示南府同僚

露清曉風冷天曙江光爽薄雲巖際出初月波中上黯
黯連嶂陰騷騷急沫響廻棹急礙浪羣飛爭戲廣伊余
本羈客重睽復心賞望鄉雖一路懷歸成二想在昔愛
名山自知懽獨往情游乃落魄得性隨怡養年事以蹉

跼生平任浩蕩方還讓夷路誰知羨魚網

答邱長史

宿昔敦遠遊名分乃異路千里泝波潮一朝披雲霧從
 容捨密勿繾綣論襟趣披文極詆訶析理窮章句明鐘
 信有待巨海誰能喻奔景驟西傾還途忽東驚黃花發
 岸草赤葉翻高樹漁舟乍迴歸沙禽時獨赴需宴時未
 幾離歌倏成賦伊我念幽關夫君思贊務短翮方息飛
 長轡日先驅舊刻有曝鯉走逸翮康時務握手異沉浮
 佳期安可屢缺二字重一韻宋刻本無之

贈詩

附贈何郎

邱遲

向夕秋風起野馬襍塵埃憂至猶如繞詎是故人來
 檐際落黃葉階前網綠苔遙情不入酒望美信難哉
 還渡五洲

我行朔已晦泝水復沿流戎傷初不辦動默自相求
 睠言還九派迴艫出五洲蕭散煙霧晚淒清江漢秋沙汀
 暮寂寂蘆岸晚脩脩以茲南浦夜重此北門愁方圓既
 齟齬貧賤豈怨尤

日夕望江山贈魚司馬

湓城帶湓水湓水縈如帶日夕望高城耿耿青雲外城
中多宴賞絲竹常繁會筦聲已流悅絃聲復淒切矜一本
作歌黛慘如愁舞腰疑欲絕仲秋黃葉下長風正騷屑早
鴈出雲歸故燕辭檐別畫悲在異縣夜夢還洛汭洛汭
何悠悠起望西南樓的的帆向浦團團月映洲誰能一
羽化輕舉逐飛浮

與崔錄事別兼敘携手

去夏予回首言乃重行行今春遊派溼訪子猶武城暫
別年逾半仝歸月未盈復道中寒食彌留曠不平道術

既爲務懽悰苦未并及爾沉痾愈值茲秋序明石磧泐
江靜沙流繞岸清川平看鳥遠水淺見魚驚逝將窮履
歷方欲恣逢迎何言聚易散鄉棹爾孤征我本倦遊客
心念似懸旌聞離常屑涕是別盡淒情況此忘懷地相
愛猶弟兄脈脈留南浦悠悠返上京欲鑷星星鬢因君
示友生

銅雀妓

秋風木葉落蕭瑟管絃清望陵歌對酒向帳舞空城寂
寂簾宇曠飄飄帷幔輕曲中相顧起日暮松柏聲

詠白鷗兼嘲別者

可憐雙白鷗朝夕水上遊何言異棲息雌住雄不留孤
飛出岫一本作嶼浦獨宿下滄洲東西從此別一本作去影響絕
無由

學青青河畔草轉韻體為人作其人識節工歌

春蘭一本作園日應好折花望遠道秋夜苦復長抱枕向空
牀吹臺一本作樓下促節不言於此別歌筵掩團扇何時一
相見弦絕猶依軫葉落纔下枝卽此雖云別方我未成
離

南還道中送贈劉諮議別

一官從府役五稔去京華遽逐春流返歸帆得望家天
末靜波浪日際掩一本作斂烟霞岸薺生寒葉村梅落早花
遊魚上急水獨鳥赴行楂目想平陵柏心憶青門瓜曲
陌背通垣長墟抵狹邪善隣談穀稼故老述桑麻寢興
從間逸視聽絕喧譁夫君日高興爲樂坐驕奢室墮傾
城佩門交界限一本作憶車入塞長雲雨出國暫泥沙握手
分岐路臨川何怨嗟

附 仰答何記室

劉孝綽

遊子倦飄蓬瞻途奈未窮晨征凌迸水暮宿犯頽風
出洲分去燕回浦逐歸鴻蘭芽映凍葉葦筍穿故叢
忽憶園間柳猶傷江際風吾生棄武騎高視獨辭雄
既殫王孫產兼傾卓氏僮罷籍睢陽囿陪謁建昌宮
紛余似鑿柄方圓殊未工黑貂久自弊黃金屢以空
吾辭追楚穆還畊厠漢馮巧拙良為異出處嗟莫同
君厭蘭臺石見訪灞陵東

和劉諮議守風

彌旬苦凌亂揆景候阡陌晝想汝陽津夜夢邯鄲驛憤

風急驚岸屯雲仍觸石蕭條疾帆流礮礮衝波白息榜
易云久維梢晨已積蒼蒼極浦潮杳杳長洲夕本慚伏
飛劍寧慕澹臺壁織羅若不起跂予中上澤

附 櫟口守風

劉孝綽

春心已應豫歸路復當懽如何此日風霾曠駭波瀾
倏見搖心慘俄瞻鄉路難賴有同舟客移宴息層巒
華茵藉初草芳樽散緒寒謔浪雖云善江流苦未安
何由入故園詎卽紐新蘭寄謝浮邱子暫欲假飛鸞
春夕早泊和劉諮議落月望水

原詩在前

洛日望水 劉孝綽

川平落日迴落照尚川濤浪在
淪波地派別引沮漳賦長
脈熅動微光寒鳥逐查漾
飢鶴排浪翔臨江自多美况
此還故鄉榜人夜理檣棹女
暗成粧欲待春江唱事遂向
洛陽

旅人嗟倦遊結纜坐春洲日暮江風靜中川聞棹謳草
光天際合霞影水中浮單艫時向浦獨楫乍乘流變童
泣垂釣妖姬哭盪舟客心自有緒對此空復愁

早朝車中聽望

詰旦鐘聲罷隱隱禁門通矍車響北闕鄭履入南宮宿
霧開馳道初日照暄風胥徒紛絡繹御或西東暫喧
耳目外還保性靈中方驗遊朝市此說不爲空

秋夕歎白髮

絲白不難染蓬生直易扶唯見星星鬢獨與衆中殊昔

年十四五率性頗廉隅直是安被褐非敢慕懷珠何言
志事晚疲拙嬰殊軀逢時乃倏忽失路亦斯須郊郭勤
二頃形體憇一廡涸蚌困魚目籠禽觸四隅宵長壁立
靜廓處謝謹愉月色臨窗樹蟲聲當戶樞飛蛾拂夜火
墜葉舞秋株逐物均乘鶴違俗等雙鳧故人儻未棄求
我谷之嶠

寄江洲褚諮議

自與君別離四序紛迴薄分手清江上念別猶如昨追
憶邊城遊奚尋平生樂俱登寵從嶺共坐逶迤閣清吹

或忘歸繁文時閒作連鑣戲淺草遊憶遵長薄五載同
衣裘一朝異睽索夫君頗留滯駢駢未沃若伊余從入
關終是填溝壑早秋正悽愴餘暉晚銷鑠林葉下仍飛
水花披未落如何隔千里無由舉三爵因君奏采蓮為
余吟別鶴

嘲劉孝綽

房櫳滅夜火窗外一本作戶映朝光姹一本作妖女褰帷去一本作出
蹀躞初下牀雀釵橫曉鬢蛾眉豔宿妝稍聞玉釧遠猶
憐翠被香寧知早朝客差池已鴈行

臨行公車

擾擾排曙屏鱗鱗驅早駕禁門儼猶閉嚴城方警夜道
勝夕增榮拙薄終難化以茲眈澮質重與滄溟舍纜舟
去濁河揆景辭清灞平生多意緒懷抱皆徂謝念此將
如何撫心獨悲咤

贈韋記室黯別

故人儻送別停車一水東去帆若不見試望白雲中促
膝今何在銜盃誰復同水夜看初月江晚泝歸風無因
生羽翰千里暫排空

敬酬王明府

星稀初可見月出未成光
澄江照遠火夕霧隱連檣
賤軀臨不測玉體畏垂堂
念別已零淚況乃思故鄉

附贈何殷記室

王僧孺

掩映出南浦驅車送上征
颯颯曉風駛漾漾晨川平
不肖予何惜無貲爾勿輕
儻有還鄉便一言訪死生

詠春雪寄族人思澄

可憐江上雪迴風起復滅
本欲映梅花翻悲似玉屑
朝鶯日弄響暮條行可結
咸言不適時安知非矯節

渡連圻

連圻連不極極望在雲霞
絕壁無走獸窮岸有盤楂
糾紛上寵從穿豁下崑牙
魚游若擁劔猿掛似懸瓜
陰岸生駿蘚伏水沸澄沙
客子行行倦年光處處華
石蒲生促節崑樹落高花
暮潮還入浦夕鳥飛向家
寓目皆鄉思何時見狹斜

曉發

早霞麗初日清風消薄霧
水底見行雲天邊看遠樹
且望泝沂劇暫有江山趣
疾兔聊復起爽池豈能賦

贈諸遊舊

弱操不能植薄伎竟無依淺智終已矣令名安可希擾
擾從役倦屑屑身事微少壯輕年月遲暮惜光輝一途
今未是萬緒昨如非新知雖已樂舊愛盡睽違望鄉空
引領極目淚沾衣旅客常憔悴春物自芳菲岸花臨水
發江燕遶橋飛無由下征帆獨與暮潮歸

道中贈桓司馬季珪

晨纜雖同解晚洲阻共入猶如征鳧飛差池不可及本
願申羈旅何言異翔集君渡北江時詎今南浦泣

春暮喜晴酬袁戶曹苦雨

振衣喜初霽褰裳對晚晴落花猶未捲時鳥故餘聲春
芳空悅日游客反傷情鄉園不可見江水徒自清願得
同携手歸望對都城

和蕭諮議岑離閨怨

曉河沒高棟斜月半空庭窗中度落葉簾外隔飛螢含
悲下翠帳掩泣一本作涕閉金屏昔期今未返春草寒復青
思君無轉易何異北辰星

慕秋答朱記室

贈詩
游揚日色淺騷屑風音勁寒潭見底清秋色極天淨寸
陰坐銷鑠千里長遼迴桃李爾繁華松柏余本性故心
不存此高文徒可詠

附 送別不及贈何殷二記室 朱 异

憑軾徒下淚裁書路已賒遠鼓依林響連檣倚岸斜
山開雲吐秀風憤浪生花卽此余傷別何論爾望家
二君勗琬琰無使沒泥沙

夕望江橋示蕭諮議楊建康江主簿

夕鳥已西度殘霞亦半銷風聲動密竹水影漾長橋旅

人多憂思寒江復寂寥爾情深鞏洛予念返漁樵何因
適歸願分路一揚鑣

往晉陵聯句

臨別我傷悲送歸子自適劉金不可散卜蓋何由惜

從來重分陰未曾輕尺璧故任情一異於是望三益

爽 爾自高樓寢予返東臯陌寄語落毛人非復平原客

遜 問舍且求田音亂無可擇勝門成好事盤紆欲何索

爽

范廣州聯句

洛陽城東西卻作經年別昔去雪如花今來花似雪雲
濛濛夕烟起奄奄殘暉滅非君愛滿堂寧我安車轍遜

詠春風

可聞不可見能重復能輕鏡前飄落粉琴上響餘聲

送褚都曹聯句

君隨結客去我乃倦遊歸本願同棲息今成相背飛

送司馬 入五城聯句

隨風飄岸葉行雨暗江流居人會應返空欲送行舟

宛中見美人聯句

羅袖風中捲玉釵林下耀團扇承落花復持掩餘笑

邊城思

柳黃未吐葉水綠半含苔春色邊城動客思故鄉來

擬古聯句

家本青山下好上青山上青山不可上一上一惆悵

附 和擬古

范雲

匣中一明鏡好鑑明鏡光明鏡不可鑑一鑑一情傷

附 和擬古

劉孝綽

少知雅琴曲好聽雅琴聲雅琴不可聽一聽一沾纓

為人妾怨絕句

燕戲還簷際

玉臺作燕子戲還簷

花飛落枕前寸心悲

玉臺作君

不見

拭淚坐調絃

為人妾思二絕句

魂銷形已去釵落猶依枕欲去淚無肯不看悲復甚

機中刺綉所窓下朝妝處未憶神已傷欲忘悲不去

相送絕句

客心已百念孤遊重千里江暗雨欲來浪白風初起

閨怨絕句二首

竹葉響南窓月光照東壁誰知夜獨覺枕前雙淚滴

閨閣行人斷房櫳月影斜誰知

一本作能

北窓下猶

一本作獨對

後庭

一本作園花

苑中絕句

玉臺作南苑

苑門閉

一本作闕

千扇苑戶開萬扉樓殿聞

一本作閒

珠履竹樹

隔羅衣

離夜聽琴

別離既有緒琴瑟反成悲美人多怨態亦復慘長眉

相送聯句

寸陰常可惜別至倍傷神子瞻天際水子望路中塵韋

黯憫憫岐路側去去平生親一朝事千里流涕向三春

遜

昔共入門嘆今成送別悲君還舊聚處為我一嘖眉王

江乘

於今還促膝自此客江湄願子俱停駕看我獨解

維遜

高軒雖駐軻餘日久無輝以我還一本作辭鄉淚沾君送別

衣

慈母磯

暮烟起遙岸斜日照安流一同心賞夕暫解去鄉

岸平沙合連山遠霧浮客悲不自已江上望歸舟

至大雷聯句

高談會良夕滿酒對羈情閔閔風烟動蕭蕭江雨聲遜

密雲窮浦暗飛電遠洲明若非今宴適詎使客愁輕劉

孺遙舟似連鴈遠火若迴星江潭望如此銜卮共君傾

桓季珪

賦詠聯句

樊履常決踵眉高起半額曼倩爾何為獨嘆長安索遜

工商既慚巧農仕聊相易蠅腹有餘資鴻肩方可拍

革攝職媿握蘭濫官悲執戟連章既不敏高談豈能劇

孺逸翮任奮飛窘步事羈勒還鳥余能繫流言爾無惑

革憂懷乃千載永懽常數刻值是悲別離非關念通塞

遜日照汀沙素山影波浪黑爾限大江南余歸茂陵北

孺

臨別聯句

臨別情多緒送歸涕如霰君望長安城予悲獨不見

爾來同去國予歸方異縣懷別心獨憂手淚方泚

遜

答江

曰余乏文幹逢君善草札工拙既不同神氣何由拔

又贈江

刻猴雖言巧辨對今知章且欣共卮酒勿道濫衣裳

又連答

棘端雖非譬至妙安可量要知同罔象然始見豪芒

附贈何記室聯句不成

嘲以詩

江革

龍鱗無復彩鳳翅於茲鍛疇昔似翩翩今辰何乙乙

贈新曲相對聯句

酒闌日隱樹上客請調絃嬌人挾瑟至透迤未肯前

劉

孝勝

舊愛今何在新聲徒自憐有曲無人聽徒倚高樓

前何澄

徘徊映日照轉側被風吹徒為相思響傷春君

不知劉綺

月昏樓上坐含悲望別離已切空牀怨復看

花柳枝遜

照水聯句

插花行理鬢遷延去復歸雖憐水上影復恐濕羅衣

遜

臨橋看黛色映渚媚鉛華不顧春荷動彌畏小禽飛

綺

折花聯句

咲出春園裏望在聯褰纈欲以間珠鈿非為相

日照爛成綺風來聚疑雪弋采一枝歸願持因遠別

綺

搖扇聯句

紈扇已新製蕩婦復新妝欲掩羞中笑還飄袖裏香

遜

在握時搖動當歌掩抑揚誰云減羅袂影日聊自障

綺

正釵聯句

竹臺歸欲礙花林出未通度簪先分影轉珥忽瞻風

遜

雙翹耀寶鈿闐闐密復叢羞令挂纓闕整插補餘空

綺

詠早梅

兔園標物序驚時最是梅銜霜當路發映雪擬寒開枝
 橫卻月觀花繞凌風臺朝洒長門泣夕駐臨邛杯應知
 早飄落故逐上春來遜為建安王水曹王刺揚州遜解
 舍有梅花一株日吟咏其下賦詩
 云云後居洛思之再請其任抵揚州
 花方盛開遜對花彷徨終日不能去

門有車馬客

門有車馬客言是故鄉來故鄉有書信縱橫印檢開開
 書看未極行客屢相識借問故鄉來潺潺淚不息上言
 離別久下言望應歸寸心將衣鵠相逐向南飛

昭君怨

昔聞白鶴弄已白軫離情今來昭君曲還悲秋苒

何水部集

卷六

何水部集

庚申小除

